

EMASU EKONGA EMANTI

Siswati

Ekhaya/kubhizinisi

- Vala impompi emkhatsini wekugeza buso, kuhlumba ematinyo nome kushefa.
- Geza entjintjawozi imizuzu lesihlanu ngelilanga, kunekutsi ugeze ebhavini, utawusebentisa kunye kulokutsafu emanti lowasebentisa ebhavini, wonge emalitha lange-400 emanti ngeliviki.
- Kugeza entjintjawozi kungasebentisa emalitha lange-20 emanti ngemzuzu.
- Nangabe uncoma kugeza ebhavini, ungalingwalisi mfi ngemanti.
- Kugeza ebhavini kungasebentisa emanti lasemkhatsini we-80 ne-150 emalitha.
- Sebentisa timpompi letinetinhloko tentjintjawozi letihambisa emanti kancane, emathoyilethi lasebentisa tinkinobho letimbili tekuhambisa emanti kanye nemishini yekuwasha leyonga emanti.
- Emagedlela kufanele kutsi angagcwaliswa mfi emanti kodvwa alingane nje kahle ngekwesidzingo sakho. Loku kutakwehlisa futsi netindleko takho tagezi.
- Ungatigcwalisi ngalokwecile ticukatsi letifanana nemabhodo, ngobe loko kungabangela kutsi usebentise gezi lomnyenti kufutfumeta emanti.
- Kunciphisa umtsamo wemanti lohambisako ngawo kungcola endlini lencane kuyindlela yekonga 20% yemanti. Loku ungakwenta ngekebeka libhodlela lesinatfo lelyi-2 l, leligcwaliswe ngemanti kanye nenhlabatsi lencane kute isisitini isindze.
- Lungisa indlu lencane levutisa emanti ngobe nakungenjalo loko kungachitsa emalitha lati-100 000 temanti ngemnyaka.
- Kwema kuhambisa emanti bendlini lencane ngalokungakadzingeki. Lahla emgcomeni nemathishu kanye nalokunye kungcola kunekutsi ukulahle ethoyilethi. Ngaso sonkhe sikhatsi nawuhambisa kungcola ngemanti ethoyilethi, emalitha la-12 emanti ayasebentiseka.
- Sebenta “emanti lamphunga” – emanti lasetjentiswe ebhavini, emishinini yekuwasha kanye nakuleminye imitfombo lephephile – kuhambisa kungcola ngemanti ethoyilethi.
- Ungaligcwalisi mfi nome uligeze ngalokwecile lidamu lakho.
- Sebentisa libhakede kuneliphayiphi nawugeza imoto yakho. Nangabe kufanele kutsi usebentise liphayiphi, sebentisa sifafati longakhona kusivala ngesikhatsi uyifafata ngemati. Kusebentisa liphayiphi kungasebentisa emanti langemalitha lange-30 ngemzuzu.
- Ungatseli pendi nemakhemikhali kudreyini yakho.
- Balimi kufanele kutsi bacinisekise kutsi tibulalitinambutane letinebutsi tibasekudzeni nemitfombo yemanti nome imifudlana.
- Emafekhtri kufanele kutsi anakekele kutsi mekyuri ayicitsa njani kanye nemanye amakhe-mikhali lafana nayo emantini ekungcola.
- Bantfu labahlala etindzaweni tasemaphandleni kufanele kutsi bacaphele kutsi bangasebentisi umfula nome lusentse lwemfula njengelithoyilethi.

Esivandzeni

- Nisela titjalo takho ekuseni nome kusihlwa, ngesikhatsi emazingalichwa apha. Emakhatsini wensimbi ye-10:00 nensimbi ye-15:00 ungalahlekelwa ngemanti lange-90% ngekuhwamuka.
- Ngaso sonkhe sikhatsi nawubilisa licandza, yonga lamanti lasapholile kute unisele ngawo titjalo tasendlini. Kukhona letitakuziza ngetondlamhlaba nome tivundzisi letiphuma elugobolondweni lwelicandza.
- Gcila ekuhlanyeleni tihlahla tendzabuko naletingasito tendzabuko letingadli emanti (kodvwa hhayi titjalo letingasito tendzabuko letibulala letinye titjalo).
- Butsela ndzawo titjalo ngekwetidzingo tato temanti kanye nekutimbonya ngemacembe.
- Unganiseli njalo tivandze takho, kepha tinisele kahle. Kusebentisa liphayiphi lasesivandzeni kungasebentisa emalitha lange-30 emanti ngemzuzu.
- Susa titjalo letingasito tendzabuko letibulala letinye endzaweni yakho.
- Emanti latfolakala ngekuwakhongotela eluphahleni angaginwa emathangini kute kuniselwe ngawo tivandze.
- Sebentisa “emanti lamphunga” – emanti lasetjentiswe emabhavini, emishini yekuwasha kanye nakuleminye imitfombo yemanti lephephile – kute unisele sivandze sakho.



water & sanitation

Department:
Water and Sanitation
REPUBLIC OF SOUTH AFRICA